



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus  
desideratas, summoque studio hinc inde conquisitas complectens

**Luxemburgi, 1741**

6. In Supremæ dignitatis &c. Institutio Universitatis studii generalis ad  
Normam Academiæ Parisiensis in Urbe Coloniensi: anno 1388.

---

[urn:nbn:de:hbz:466:1-74452](https://nbn-resolving.org/urn:nbn:de:hbz:466:1-74452)



ANN O  
1383.

clesia Cathedrali, nullus vestrum in ea Civitate, vel loco prædicare præsumat, ne salubris prædicationis Doctrina ex frequenti inculcatione quasi tædium generet & contemnatur, si verò in casu licito Parochianos alterius ad sepulturam, quam nemo sine iusta, & rationabili causa temerè debet eligere, antiquis Parentum suorum dimissis sepulturis, in vestris Ecclesiis vos recipere contingat, omnium quæ obtentu huiusmodi sepulturæ fuistis consecuti, medieratim, vel tertiam partem, vel quartam juxta felicitis recordationis Gregorii Papæ Prædecessoris nostri Decretum, & secundum consuetudinem regionis, setiam non requisiti infra octo dies à tempore receptionis eorum, Episcopo vel Sacerdoti de cuius Parochia mortuus est assumptus exhiberi curetis. Et infra. Si quis verò vestrum huiusmodi præcepti transgressor provisionis nostræ extiterit, vel contra prædicta, vel aliquid prædictorum venire præsumperit, præter inobedientiæ vitium & excommunicationis sententiam, quam de facto ipsum incurere volumus, gravi suo periculo subiaceat, & nihilominus à loci Diacesano ad præmissa omnia & singula observanda censura Ecclesiastica omni appellatione remota districtius compellatur, nullis ei contra hoc Indulgentiis, vel Privilegiis Apostolicis valituris. Datum Neapoli XI. Calendas Decembris Pontificatus Nostri anno septimo.

Ad Imperatorem contra Confederationes cum Hæreticis: anno 1383.

## URBANUS EPISCOPUS,

*Servus Servorum Dei, Carissimo in Christo filio Venceslao Romanorum & Bohemæ Regi illustri, salutem & Apostolicam Benedictionem.*

**N**uper cum ad nostram pervenisset notitiam, quod olim tam tua seneritas, quam etiam claræ memoriæ Carolus Romanorum Imperator, & Genitor tuus, simul vel successivè nonnullas confederationes, vel colligationes seu Ligas, aut Conventiones, cum diversis Regibus, Principibus, Ducibus, Comitibus, Magnatibus, Nobilibus, & aliis Magnatibus qui tunc erant, seu postea sunt effecti schismatici seu Hæretici manifesti, & ab unitate Sanctæ Romanæ & Universalis Ecclesiæ separati, quamvis per nos aliàs declarati non essent. Nos attendentes quod huiusmodi Confederationes, Colligationes, & Ligæ seu conventiones, factæ cum huiusmodi Hæreticis aut Schismaticis, postquam tales effecti fuerant, erant temerariæ, illicitæ, & ipso jure nullæ, & si forsan ante ipsorum lapsum in schisma seu Hæresim initæ, seu factæ fuissent, etiam si forent juramento, vel fide data firmatæ, aut confirmatione Apostolica, vel quacumque alia firmitate roboratæ, postquam tales, ut præmittitur fuerant effecti, eo ipso, tam Tu, quam illi, qui forsan, una tecum huiusmodi confederationes, Colligationes, ligas, seu Conventiones cum talibus inierant, seu fecerant, & ad quos huiusmodi Confederationes, Colligationes Ligæ, seu Conventiones quomodolibet extendi poterant, & quorum interest, vel interesse poterat, ab eorum observantione absoluti eratis, illasque ipsis servare non debebatis, quinimò tu huiusmodi schif-

maticos & Hæreticos, ratione Imperii, ad quod Electus, & per nos approbatus existebas prout existit in favorem Sanctæ Romanæ, & Universalis Ecclesiæ, cuius es Advocatus, pro posse prosequi tenebaris, ac teneris, quodque omnis communio cum talibus Hæreticis seu Schismaticis nimis periculosa existit, cum nulla sit prorsus nec esse debeat participatio lucis ad tenebras, aut Christi ad Belial. Et cupientes super his tuæ & aliorum animarum salutem & honori, ac statui tuo & aliorum, quorum interest, ut præfertur, salubriter providere, ac periculis & scandalis, quæ tibi & ipsis exinde provenire poterant, utiliter præcavere. Et te, & alios omnes, quorum interest & interesse poterat, auctoritate Apostolica, per nostras litteras, declaravimus fuisse, & esse ab earumdem Confederationum, Colligationum, Ligarum, & conventionum, observantione penitus absolutos, & ad earum observantionem aliquatenus non teneri, illasque, quatenus de facto processerant, cassamus, irritamus, & nullius esse decrevimus firmitatis: Et insuper cupientes animarum periculis obviare, tam tibi quam omnibus, etiam huiusmodi aliis, quorum interest, seu interesse poterat, districtius inhibuimus, ne Confederationes, Colligationes, ligas, aut Conventiones huiusmodi aliquatenus observaretis, seu ab illis servare quomodolibet permetteretis.

Decernentes ex tunc irritum, & inane quicquid, in contrarium, à quoquam quavis auctoritate, scienter, vel ignoranter contigerit attentari. Ideoque magnificentiæ tuæ paterno suademus affectu, ut præmissa prudenter consideres & huiusmodi declarationem & inhibitionem nostras diligenter studeas observare, & facere ab illis observare.

Datum Romæ apud Sanctum Petrum XV. Calendas Maii Pontificatus nostri anno quinto.

Institutio Universitatis studii generalis ad Normam Academia Parisiensis in Urbe Coloniensi: an. 1388.

## URBANUS EPISCOPUS,

*Servus Servorum Dei, ad perpetuam rei memoriam.*

**I**n supremæ dignitatis Apostolicæ specula superni dispensatione consilii, licet immeriti, constituti, ad universas fidelium regiones nostræ vigilantia creditas, earumque profectus, & commoda tamquam Universalis gregis Domini Pastor, commissa nobis speculationis apicem, quantum nobis ex alto permittitur, extendentes, fidelibus ipsis ad quærendum litteratum studia, & scientiæ margaritam, cuius dum invenitur, gloriosa est possessio, & fructus suavissimi, per quam pelluntur ignorantia nubila, ac erroris eliminatâ caligine mortalium curiosa solertia suos actus, & opera disponit, & ordinat in lumine veritatis, per quam etiam divini nominis, fideique Catholice cultus protenditur, iustitia colitur, tani publica, quam privata res geritur utiliter, omnisque prosperitas humanæ conditionis augetur.

Ob hoc igitur magno, nec mirum, desiderio ducimur, ut litterarum studia, in quibus pretiosa ipsius scientiæ margarita reperitur, laudanda suscipiant incrementa, frequentius invalescant præsertim in locis illis, quæ ad multiplicanda doctrinæ semina, & germina

salu-

ANN O  
1388.

IV.  
Ex Archiv.  
Angliæ  
Rimer  
Tom. 7.  
P. 392.

V.  
Ex Oper.  
Diplom.  
Miræi Tom.  
II. pag. 1253.



ANN O  
1388.

salubria producenda, apta, & idonea dignoscuntur.

Nos præmissa attendentes, & etiam fidei puritatem, & devotionem eximiam, quam dilecti Filii . . . . Consules . . . . Scabini, Cives, & commune civitatis Colonienſis devoti nostri & Ecclesie Romanæ filii ab olim ad ipsam Ecclesiam, & nos habuisse dignoscuntur, illamque successionem temporum de bono in melius studuerunt augmentare, dignum ducimus, & æquitati consonum existimamus, ut civitas ipsa, quam divina gratia multarum prærogativa bonitatum, & fecunditate virtutum gratiosè dotavit, scientiarum etiam ornatur muneribus, & etiam amplietur, ita ut viros producat consilii maturitate conspicuos, virtutum redimitos honoribus, & diversarum facultatum dogmatibus eruditos, sitque ibi fons irriguus, de cujus plenitudine hauriant universi litterarum cupientes imbui documentis.

Præmissis igitur diligenti examinatione pensatis non solum ad ipsius civitatis, sed etiam regionum circumjacentium incolarum commodum, & profectum, paternis affectionibus anhelantes, dictorum etiam Consulium, Scabinorum, civium, & communis gratiam nostram suppliciter implorantium, in hac parte devotis supplicationibus favorabiliter annuentes, ad laudem divini nominis, & fidei propagationem Orthodoxæ, auctoritate apostolica statuímus, & etiam ordinamus, ut in dicta civitate Colonienſi sit de cætero studium Generale ad instar studii Parisiensis, illudque perpetuis futuris temporibus vigeat tam in Theologia, & Juris Canonici, quam alia qualibet licita facultate, quodque legentes, & studentes ibidem omnibus libertatibus, & immunitatibus concessis Magistris in Theologia ac Doctoribus Legentibus, & Studentibus commorantibus in dicto Parisiensis studio generali gaudeat.

Insuper civitatem, & studium præfata ob profectus publicos, quos exinde provenire speramus, amplioribus honoribus prosequi intendentes auctoritate ordinamus eadem, ut si qui in eodem studio Colonienſi fuerint, qui processu temporis Bravium meruerint in illa facultate, in qua studuerunt, obtinere, sibi que docendi licentiam, ut alios erudire valeant, ac Magisterij, seu Doctoratus honorem petierint elargiri per Magisterij, seu Magistros, Doctorem, vel Doctores illius facultatis, in qua examinatio fuerit facienda, Præposito Ecclesie Colonienſis, qui pro tempore fuerit, vel ejus sufficiente idoneo, quem ad hoc idem Præpositus duxerit deputandum, Vicario, Præpositurâ verò ipsius Ecclesie vacante, illi, qui ad hoc per dilectos filios Capitulum ipsius Ecclesie deputatus extiterit, Vicarius, idemque Præpositus, vel Vicarius, aut Deputatus, ut præferatur, Magistris, & Doctoribus in eadem facultate actu inibi regentibus convocatis, illos sic præsentatos in his, quæ circa promovendos ad Magisterij, seu Doctoratus honorem requiruntur juxta modum, & consuetudinem, quæ super talibus in generalibus studiis observantur, observatis, examinare studeat diligenter, eisque, si ad hoc sufficientes, & idonei reperi fuerint, hujusmodi licentiam tribuat, & Magisterij, seu Doctoratus honorem conferat, & etiam largiatur.

Illi verò, qui in eodem studio dictæ civitatis examinati, & approbati fuerint, ac docendi licentiam, & honorem hujusmodi obtulerint, ut est dictum, ex tunc absque examine, & approbatione alia, legendi, & docendi tam in civitate

prædicta, quam in singulis aliis generalibus studiis, in quibus voluerint legere, & docere, statutis, & consuetudinibus contrariis Apostolica, vel quacumque firmitate alia roboratis, nequaquam obstantibus, plenam, & liberam habeant facultatem.

Nulli ergo omnino hominum liceat hanc paginam nostri statuti, & ordinationis infringere vel ei ausu temerario contraire.

Si quis autem hoc attentare præsumperit indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Perusii XII. Kalendas Junii Pontificatus nostri anno undecimo.

## BONIFACIUS NONUS, PONTIFEX CCV.

ANNO DOMINI MCCCLXXXIX.

**B**onifacius prius Petrus Thomacellus Urbano VI. successit eo tempore, quo Cardinales qui Avenione degebant Clementem VII. & Benedictum IX. elegerunt. Homo imperitus, Annatarum Auctor, nimium in Consanguineos indulgens. Obiit anno 1404. sedis anno 15. fermè. (*Magni Bullarii Romani Tom. I. hujus Edit. Luxemb. 1527. fol. 277. App.*)

Libertates, immunitates & Privilegia oppido Lovaniensi à Prædecessoribus suis, à Regibus, aliisque Principibus concessa confirmat: anno 1392.

## BONIFACIUS EPISCOPUS,

*Servus Servorum Dei, dilecto Filio Abbati Monasterii Parchensis, Leodiensis Diocesis, salutem & Apostolicam Benedictionem.*

**M**agnæ devotionis, & sinceritatis effectus, quem dilecti filii Scabini, & communitas villæ Lovaniensis Leodiensis Diocesis, ad Nos, & Romanam Ecclesiam non sine magnæ laudis præconio, gerere dignoscuntur, digne meretur, ut votis eorum, illis præsertim, per quæ ipsorum status augeri speratur, quantum cum Deo possumus, favorabiliter annuamus.

Sanè petitio pro parte prædictorum Scabinorum, & Universitatis nobis nuper exhibita continebat, quod olim felicis recordationis Urbanus Quartus, & successivè Gregorius XI. Romani Pontifices Prædecessores nostri litteras eorum ipsis Scabinis, & Universitati duxerunt concedendas, quas etiam nostræ petierunt confirmationis munimine roborari, quarum quidem litterarum tenores sunt tales.

GREGORIUS EPISCOPUS, *Servus Servorum Dei, dilectis filiis Scabinis, & communitati Ville Lovaniensis Leodiensis Diocesis, salutem & Apostolicam Benedictionem.*

Devotionis vestræ sinceritas, quam ad Nos, & Romanam Ecclesiam geritis, promeretur, ut paterno prosequentes affectu petitionibus vestris, quantum cum Deo possumus favorabiliter annuamus.

Tenores siquidem quarundam litterarum felicis recordationis Urbani Papæ Quarti Præde-

ANN O  
1392.

Ex op. Diplom. Miræi Tom. 2. p. 1254.